


Ny Baiboly ho an'ny ankizy
dia manolotra

Ny Paska
voalohany



Nosoratan'i: Edward Hughes

Sarin'i: Janie Forest

Nampifanarahin'i: Lyn Doerksen

Nadikan'i: Fikambanana "Ndao mba hiaraka aminay"
na association "Allons ensemble" FJKM Nazareta
Amborovy Mahajanga Madagascar


Novokarin'i: Bible for Children
www.M1914.org

©2013 Bible for Children, Inc.


Azo atao ny fandikana na fakana ity tantara ity
nefa tsy ho amin'ny fitadiavam-bola.




Ary indro nisy vehivavy
iray nijoro teo
an-tsisindalana.
Nanganohano
izy mijery ny
zava-miseho.




Ho faty ny zanany. Tsy
iza io fa Maria
renin'i Jesoa,
izay nipetraka
teo akaiky
ny toerana
nanombohana
hazo
fijaliana
azy.






Ahoana ny
nahatongavan'izao
zavatra
izao?





Fiainana
tena tsara sy
nahafinaritra
toy iny
ve dia
izao no
niafarany,
fa nahoana?





Ary ahoana koa
ary no haneken'
Andriamanitra
ny

hanombohana
hazo fijaliana ny
zanany, ka hamela
azy ho faty?





Tsia!
Tsy resy akory
Andriamanitra.
Tsy nanota na
dia kely akory
aza Jesoa.





Efa fantatry
Jesoa hatrizay
fa tsy maintsy
hovonoin'ireo
ratsy fanahy
izy.





Simeona, tamin'i
Jesoa fony kely
dia efa nilaza
tamin'i Maria fa
hisy fahoriana
lehibe ho avy.



Andro
vitsivitsy
talohan'ny
namonoana
an'i Jesoa,
indro vehivavy
iray nanatona,
ka nanosotra
diloilo manitra
ny tongony.



"Mandany
vola fotsiny
izy" hoy ny
mpianatra
nimenomenona.

"Asa soa no
ataony" hoy
Jesoa.



"Hanomana
ahy halevina
no anaovany
izao amiko."
Mba teny
hafahafa koa
re izany e !



Taorian'izay, Jodasy,
iray amin'ireo mpianatr'i
Jesoa, dia nifanaraka
ny hanolotra an'i
Jesoa an'ireo
lohan'ny
mpisorona
tamin'ny
vidiny
30
dinaria.




Tamin'ny fetin'ny
Paska Jiosy, Jesoa
dia niaraka nisakafo
farany tamin'ny
mpianany.






Nilaza zavatra
mahafinaritra
azy ireo momba
an'Andriamanitra sy
ny fampanantenana
omeny ireo izay
tia azy
Jesoa.







Nifampizara mofo
sy divay tamin'izy
ireo Jesoa. Izany dia
mba ho fahatsiarovana
fa ny tenan'i Jesoa sy
ny rany no nomena
antsika ho
solon'ny
ota.



Rehefa avy eo Jesoa dia nilaza fa hisy hamadika azy amin'izy ireo, ary ny mpianatra sisa hafa kosa raha mahita izany dia handositra.



"Tsy handao anao izany aho" hoy Petera. "Raha mbola tsy misy akoho maneno, dia handà ahy in-telo ianao" hoy Jesoa.





Rehefa alina ny andro, Jesoa dia nandeha nivavaka tao amin'ny saha anankiray atao hoe Getsemane.





Resin-tory
ireo mpianatra
nanaraka azy.
"Raiko o," hoy
Jesoa nivavaka,
"...Esory amiko
ity kapoaka ity.
Nefa aoka tsy ny
sitrapoko no
atao fa ny anao".



Tampoka teo, indro
tonga tao anatin'ilay
saha vahoaka betsaka
niaraka tamin'i
Jodasy. Tsy
nanohitra azy
ireo Jesoa.



Fa i Petera no nikapa
tamin'ny sabatra ny
sofin'iray tamin'izy
ireo. Vao noraisin'i
Jesoa anefa ny
sofin'ilay lehilahy
dia niverina
tamin'ny laoniny.



Fantatry Jesoa fa
sitrapon'Andriamanitra
izao fisamborana
azy izao.



Ary ireo nisambotra azy
dia nitondra an'i
Jesoa ho any
an-tranon'ny
mpisorona
be.



Toerana nivorian'ny
mpanora-dalàna sy
ny loholona, izay
nilaza fa tokony
ho faty
Jesoa.



Ary Petera nanaraka
teny lavidavitra
teny, ary raha
namelona afo
teo an-kianja
ireo dia mba
nipetraka
koa izy.



Intelo no nisy
nilaza i Petera
hoe "Naman'i
Jesoa ianao."




Ary intelo koa no nandavan'i Petera
izany, arak'izay efa nolazain'i

Jesoa azy.
Petera dia
niozona sy
nianaiana
mihitsy
tamin'izany.



KO-KO-RI-KO




Tamin'izay
fotoana izay
indrindra, dia nisy
akoho naneno.



KO-KO-RI-KO


Tahaka ny
feon'Andriamanitra
no nahenoan'i
Petera azy. Ary izy
nahatsiaro ilay tenin'i
Jesoa taminy ka
nitomany mafy.






Ary Jodasy
nanenina tamin'ny
nataony. Fantany
fa tsy meloka
Jesoa.





Naveriny noho izany
ilay vola 30 dinaria,
saingy tsy nety
nandray izany ny
mpisorona be.



Natsipin'i Jodasy
tamin'ny tany ny
vola- ary dia
nananto-tena izy.





Ary ny mpisoronabe
nitondra an'i Jesoa
teo alohan'i Pilato,
ilay governora
romana.





Ary hoy ity farany:
"Tsy hitako
izay helok'ity
lehilahy ity."






Saingy ny vahoaka
niantsoantso nikiakiaka
hoe: "Homboy amin'ny
hazo fijaliana
izy! Homboy
amin'ny hazo


fijaliana izy!"



Nony farany Pilato dia nanolotra an'i Jesoa azy ireo ihany mba hombohana amin'ny hazo fijaliana. Ary ny miaramila nikapoka sy nandrora an'i Jesoa teo amin'ny tavany.




Namboatra fehiloha
tsilo koa izy ireo, ka
natsatony teo amin'ny
lohany. Rehefa izany,
dia nofantsihany teo
ambony hazo
fijaliana izy
mba ho
faty.




Fantatry Jesoa fa tsy maintsy toy
izao ny fomba hahafatesany.

Fantany ihany koa fa
ny fahafatesany
dia hitondra
famelan-keloka
ho an'ireo
mpanota mino
sy matoky
azy.



Nisy jiolahy roa nombohana tamin'ny hazo fijaliana teo anilan'i Jesoa. Ny iray nino an'i Jesoa- ka afaka nankany am-paradisa. Tsy toy izany kosa anefa ilay iray hafa.



Rehefa nijaly nandritra
ny ora maromaro
Jesoa dia niteny
hoe: "Vita"
ary dia
maty izy.



Vita ny asany. Ary ireo
namany namono
azy lamba
sarobidy ka
nandevina
azy.



Ary ny miaramila
nanidy mafy sy
niambina ny
fasana.



Ka tsy nisy olona
afaka nivoaka
na niditra
tao.



Mampalahelo tokoa
raha toa ka
tapitra teo
ny tantara.



Saingy Andriamanitra
dia mbola nanao
zavatra
nahafinaritra
be.

Tsy
nijanona
maty teo i
Jesoa.



Vao maraina ny andro
voalohany amin'ny
herinandro, ...



... nisy mpianatry
Jesoa vitsivitsy
nahita ny
varavaram-
pasana
nisokatra.



Rehefa nijery ny tao
anaty fasana izy
ireo dia gaga
fa tsy tao
intsony
Jesoa.



Nisy vehivavy
anankiray nitomany
teo akaikin'ny fasana.
Niseho taminy
Jesoa.



Vao nahita ny mpianatra
izy dia nihazakazaka,
feno fifaliana
nanantona azy
ireo ka nanao
hoe:



"VELONA JESOA!
NITSANGANA
TAMIN'NY MATY
JESOA!"



Tsy ela taorian'io, dia tonga nanatona ny mpianany Jesoa ary nampiseho azy ireo ny holatra tamin'ny tanany. Tena marina tokoa! **VELONA INDRAY JESOA!** Namela ny helok'i Petera izy ny tamin'ny nandavany Azy.



Ary naniraka ny mpianatra ny hitantara sy hampiely manerana izao tontolo izao ny tantarany. Nony avy eo dia niverina niakatra tany an-danitra izy, ilay toerana nisy azy fahiny tamin'ny krismasy voalohany.



Ny Paska voalohany

Tantaran'ny Tenin'Andriamanitra,
ny Baiboly,

Tao amin'ny bokin'ny

Matio 26-28, Lioka 22-24,
Jaona 13 - 21

"Ny fanambaràn'ny teninao dia
manazava." Salamo 119:130



Tapitra



Ny tantara ao amin'ny Baiboly dia miresaka amintsika ny amin'Ilay Andriamanitsika mahafinaritra, Izay namorona antsika ary maniry ny hahafantarantsika Azy.

Fantatr'Andriamanitra fa manao zava-dratsy foana isika, izany no antsoiny hoe "fahotana". Fahafatesana no sazy ho antsika noho ny otantsika, saingy tian'Andriamanitra tokoa isika ka nomeny Jesosy Zanany ho faty teo amin'ny hazo fijaliana, mba ho voasazy noho ny helontsika. Avy eo nitsangana tamin'ny maty Jesosy, ary niakatra any an-danitra! Raha mino an'i Jesosy ianao, ary mangataka Aminy mba hamelàny ny helokao, dia havelany tokoa izany! Honina ao aminao Izy, ary ianao honina miaraka Aminy mandrakizay.



Raha te-hibebaka hiala
amin'ny fahotanao ianao, dia izao
no afaka lazainao amin'Andriamanitra:
Ry Andriamanitra ô, mino aho fa maty ho ahy
Jesosy, ary velona Izy ankehitriny. Miangavy
Anao aho, Tompo ô, midira ao amin'ny fiainako,
ary mamelà ny heloko, mba hahazoako fiainan-
baovao, ary ho avy ny andro handehanako eny
Aminao ho mandrakizay. Ampio aho ho velona
ao aminao, tahaka ny Zanakao. Amena.

Vakio ny Baiboly ary miresaha
amin'Andriamanitra isan'andro!
Jaona 3.16

